

22 Феврале  
1940 аре  
№ 15 (61)

Номерлэн дуныз 5 коп.

# ВЫЛЬ УЛОН

2-ти АРЗЭ ПОТЭ

ВКП(б)-лэн УАССР-ысь  
Понино Райкомезлэн  
но Райсоветлэн  
газетсы.

## Дано мед луоз Красной Армия но Военно-Морской Флот!

### ПОБЕДИВШОЙ СОЦИАЛИЗМЛЭН АРМИЕЗ

Аску Советской Союзысь калык'ёс праздновать карозы Рабоче-Крестьянской Красной Армиелсь но Военно-Морской Флотлесь 22 годовщиназэс. Бадзым, шумпотон праздник! Син азе султо Красной Армиелэн бадзым вормем'ёсыз, куд'ёсыз одержать каремын большевик'ёслэн партизылэн кивалтэм улсаз, калыклэн гениальнойно вождьёсызлэн—Ленинлэн но Сталинлэн кивалтэмзы улсын.

Полураздетой, полуголодной, урод вооружить карем Красной Армия копак пазыгиз Леникинлесь, Юденичлесь, Колчаклесь, Врангеллесь белогвардейской полчищаоссэс, разгромить кариз но Советской странаысь позорен уляз 14 капиталистической государствоослесь армиоссэс—Ангиллесь, Францилесь, Японилесь, Польшалесь но уно мукет'ёсызлесь, куд'ёсыз, кин'ёслэн стаязы кадь, Советской республикаез котыртылызы северысен, югысен, востокусен но западысен.

Красной Армия отстоять кариз советской калыклесь независимостьсэ, целостностьсэ но свободазэ.

Со озы ортчиз соин, что Красной Армия, кызы вераз Сталин эш,—особенной армия луэ, кычезз өвёл и уз но луы капиталистической странаосын. Красной Армиелэн кужымез, крепостез но могуществоз со бордын луэ, что со луэ трудящойёслэн освобожденизылэн армиез, асьме странаысь калык'ёслэн братствозылэн армиез, международной пролетариатлэн армиез.

Ленинлэн—Сталинлэн партиез боец'ёслесь но командир'ёслесь волязэс цементировать кариз, соослесь революционной духсэс кыдатыз, прививать кариз армилы железной дисциплина, стойкость, боевой отвага, трудностез преодолеть карыны но врагез вормыны быгатонэз.

Могучой промышленность кылдытыса, социализмлесь величественной званизэ воздвигнуть карыса, Советской Союзаслэстыз армиез вооружить кариз, первоклассной техникаен—грозной танк'ёсын, самолет'ёсын, артиллерием.

Котькудизлэн боец'ёслэн но командир'ёслэн выль идеяностьсы но политической сознательностьсы выль помножить карем могучой техника Красной Армиез быдэс мирын самой кужмо армием каре. Солесь кужымзэ ас ку вылазы испытать каризы японской захватчик'ёс. Иодиназэс малнаса, Сталинлесь нимзэ вераса, красноармеец'ёс бое лэ-

зиськылызы, врагез быдтылызы, пазыгизы сое священной советской муз'емлэн пределэз сьёры.

Красной Армия Хасан озеро дорын но Халхынгольской бойёсын наглядной урок сётыз ваньмызы кин'ёс малпало Советской Союз выль нападение лэстыон сярысь. Озы ик асьмелэн Красной Армиелэн данлыко быдэстиз аслэстыз долгзэ Западной Украинаысь но Западной Белоруссияысь единокровной брат'ёсмес Польской пан'ёс киулысь освободить кароннын но. Али, Красной Армиелэн бадзым кужым'ёссэ возматэ белофин'ёс киулысь ужась но угнетенной калыкез мозмытоннын. Маннергеймовской бандалы сокрушительной пезьдэг сётэ. Котькудиз, кин социализмлэн странаез выль лыктыны дйсьтоз, разгромить каремын луоз аслаз собственной территория вылаз ик. „Асьмеослы сподручнойгес но капчигес врагез громить карыны солэн аслаз собственной территория вылаз. Озы ик со луоз но—котькуд нападенилы но ударлы ми отвечать каром асьмелэн доблестной Красной Армиелэн вань кужымезлэн куиньполэс удар'ёсыныз“. (Ворошилов).

Асьмеослэн Красной Армиелэн но Военно-Морской Флотмылэн боец'ёсыз но командир'ёсыз тодо трудящойёслэн великой вождьылысь но учительзылесь Сталин эшлесь кыл'ёссэ: „Одйг пыдлэгет пасьтазэ но мурт муз'емез ум басьтэ. Нош ас муз'еммес но, одйг вершоксэ но ас муз'еммылесь нокинлы но ум сётэ“.

Рабоче-Крестьянской Красной Армия но Военно-Морской Флот—СССР-ысь граждан'ёслэн великой завоеванизылэн но мирной трудзылэн мощной оплотэз. И грозной часэ, ку капиталистической хишник'ёс асьме родинамылэн священной рубежез вамен шагзыны попытка лэстыны дйсьтйзы ке, СССР-лэн вооруженной кужым'ёсыз, вань трос миллион'ем калыклэн юрттэмез выль пыкиськыса, враг выль обрушиться кариськозы но чужозы сое муз'емлэн ымныр вылысьтыз.

Дано мед луоз асьмелэн родной, непобедимой Красной Армиелэн—СССР ысь калык'ёслэн мирной трудзылэн кужмо оплотэз, Великой Октябрьской Социалистической Революциясь завоеваниоссэ оскымон возмась!



1918 ДА ЗДРАВСТВУЕТ 1940  
НАША ГЕРОИЧЕСКАЯ  
КРАСНАЯ АРМИЯ!

### Красной Армиелэн куинь особенностьсыз

„Асьме Красной Армиелэн нырысетйез но основноез особенностез луэ со, что со луэ освобожденной рабочий'ёслэн но крестьян'ёслэн армиез, со луэ Октябрьской революциялэн армиез, пролетариатлэн диктатураезлэн армиез..“

Асьме Красной Армиелэн кыктэтй особенностез луэ со, что со, асьмелэн армием, луэ асьме странаысь калык'ёс кустын братстволен армиемыз, асьме странаысь зйбем калык'ёсты мозмытонлэн армиемыз, асьме странаысь калык'ёслэсь эриксэс но независимостьсэс возманлэн армиемыз..“

Со бордын асьме Красной Армиелэн кужымезлэн но могуществоезлэн кыктэтйез но основноез источникез..“

Наконец, Красной Армиелэн куиньметйез особенностез. Со луэ интернационализмлэн духаз, интернационализмлэн чувствоосаз, куд'ёсыз асьмелэсь вань Красной Армиес проникать каро.. И именно соин, что асьмелэн армием воспитываться кариське ин-

тернационализмлэн духеныз, ваньмысьтыз странаосысь рабочий'ёслэн интерес'ёссылэн единствоезлэн духеныз, имено соин сэрэн со, асьмелэн армием, луэ мирной революциялэн армиемыз, ваньмысьтыз странаосысь рабочий'ёслэн армиемызы. И со, что сыче обстоятельство луэ асьмелэн армиелэн кужымезлэн но могуществоезлэн источникеныз, со сярысь кукке гинэ но тодозы ваньмысьтыз странаосысь буржуйёс, если соос асьмелэн странаы выль напасть ке карыны решиться кариськызы, ибо соку соос адзозы, что асьмелэн Красной Армиелэн кудиз воспитать каремын интернационализмлэн духеныз, дуннелэн ваньмаз локет'ёсаз, Шанхайсен Нью-Йоркоз, Лондонсен Калькутта дороз, трос лыдо дружьяосыз но союзник'ёсыз вань.

(„Красной армиелэн куинь особенностьёсыз сярысь“ Сталин эшлэн речысьтыз).

### Сталин но Красной Армия

1918 — 1920 ар'ёс дыре Сталин эш вал, пожалуй, единственной адями, кудзэ Центральной Комитет ыстылыз одйгысьтыз боевой фронтысь мукетаз, революция понна тужгес опасной, тужгес кышкыт интыосты бырыыса. Отын, кытын ке относительно спокойно но благополучно вал, кытын милиам азинкем'ёсмы вал,—отын адзыны өз луылы Сталин эшез асэс. Нош отын, кытын ке данак причинаос сэрэн Красной Армия трещать карылыз, кытын контрреволюционной кужым'ёс асьсэлэсь азинскем'ёссэс развивать карыса, Советской властвлэн самой существовать каронэзлы грозить карылызы, кытын смятение но паника любой минутэ беспомощносте, катастрофае превратиться кариськыны быгатысалзы,—отын луылыз Сталин эш. Со уйёсты но избыток ортчытылыз, со организовывать карылыз, со аслаз юн киосаз басьтылыз кивалтонэз, со тйялляз, беспощадной вал и перелом лэстыз, обстановкаез оздоровлять карылыз.

„Военноем формально луэмысь кемгасы дугдыса, Сталин эш ноку но өз дугдылы пролетарской государствоез оборонять каронлэн вопрос'ёсыныз мур занимается кариськемысь. Со али но, орчем ар'ёсы музэн ик, тодэ Красной Армиелэн но солэн самой матысь но дуно другеныз луэ.“

(К. Е. Ворошиловлэн „Сталин но Красной Армия“ книгаысьтыз).



СССР-ысь обороналэн Народной Комиссарезлэн заместителез, Московской военной округлэн войскаосызлэн командующойез, Советской Союзлэн маршалэз С. М. Буденный эш.

(ТАСС-лэн Фото-клишез).

ПАРТИЙНОЙ УЛОН

Отчетно-выборной партийной собраниясь

ВКП(б) райкомлэн планэз'я 17 февралэ РО НКВД-лэн первичной партийной организациезлэн отчетно-выборной партийной собранияез ортчиз. Коммунист'ёс партийной собрание ваньзы дыраз лыктызы.

Партийной организацилэн ужамез сярсысь первичной парторганизацилэн секретарез Кононыхин эш доклад лэ с'т'я з, доклад аз! туж ичи самокритикаез вал. Докладысьтыз валааны луэ вал, что ваньмыз партийной собранияослэн решениоссы выполняться кариськылызы.

Нош коммунист'ёслэн выступлениысьтыз адскиз, что Кононыхин эш парторганизацилэн секретарез луыса дыраз партийной ужлы туж ичи вис'яллыз.

Партийной поручениосты кызы коммунист'ёс быдэс'я

яллызы проверять оз карыл. Кызы коммунист'ёс ужало асьсэлэсь тодонлыкэс жутон котырын интересоваться оз карыськылы. Соин ик 18 партийной с'ездлэсь материал'ёссэ прокуратураын но судын ужасьёс, куд оgez милиционер'ёс изучать овёл карылыллям. Парторганизация комсомольской ужлы дырэз туж ичи вис'яллыз. Прениын ваньмыз 8 мурт вераськызы, критика туж умой здоровой вал.

Партийной собрание кутыз, партийной ужез азылане умой нуон пумысь бадзым решение. Отчет'я решение кутэм бере тайной голосованиен секретарь но кык секретарьлы заместитель быр'изы. Секретарез Ельцов эшез но секретарьлы заместительёс Невоструев но Третьяков эш'ёсты быр'изы.

Д. Перовошиков.

19 февралэ жытазе средней школаысь первичной парторганизацилэн отчетно-выборной партийной собранияез ортчиз. Парторганизацилэн ужамез сярсысь, солэн секретарез Дряхлов эш доклад лэ с'т'я з. Доклад бере 7 мурт прениын вераськызы. Дряхлов эшлэн отчетной докладысьтыз но коммунист'ёслэн выступлениосысьтыз партийной организацилэн данак тырмымтэ уж'ёсыз адскиз. Первичной парторганизация школаысь ужзэ умоятон бордын ичи ужаз, учебно-воспитательной уж школаын урод пуктэмын. Учител'ёс пöлын дисциплина куашкатэмын.

Озы ик школаысь комсомольской организациен кивалтон уж кулэез'я оз нуыськы.

Первичной парторганизацилэн секретарез Дряхлов эш коммунист'ёслы партпоручение сётылыз ке но, соослэсь быдэс'ямзэс проверять оз карылы, озы со партпоручение уж вылын оз быдэс'яськылэ, бумага вылын гинэ кылызы.

Собрание кутыз, партийной ужез копак перестроить карон вылысь решение. Со бере тайной голосованиен секретарен Дряхлов эшез быр'изы.

Поздеев.

Ленинградской военной округлэн штабездлэн оперсводкаез

15 февраль 4оже асьме войскоослэн Карельской перешеекын действоосы азинлыко мынйзы. Противник, оружиоссэ но военной снаряже ниоссэ куяса, трос ыштон'ёс нуыса, берлань чигна, Асьмелэн войскоосмы Кямряя станция доры вуизы.

15 февралэ асьме войскоосын противниклэсь 53 оборонительной укреплениеоссэ басытэмын, соос пöлын 21 железобетонной артиллерийской сооружениос.

Фронтлэн мукет участок'ёс аз 15 февраль 4оже разведчик'ёслэн учтаськон'ёссы но тросаз район'ёсын пехотной частьёслэн жугиськон'ёссы луыллызы.

Асьмелэн авиацимы противниклэн войскоосызлы но солэн военной об'ект'ёсызлы пумит азинлыко действоос ортчытэз. Воздушной бойёсын противниклэн 6 самолёт'ёсыз уськытэмын.

Карельской перешеекын 16 февраль 4оже асьмелэн войскоосмылэн азинлыко дей-

ствиоссы мынйз. Противник асьмелэн частьёсмылы пумит контра така жутыны туртске вал но вань участок'ёсын трос ыштонэн сэрпалэмын. Асьмелэн частьёсмы Лейпясую станцияез но Кямряя станцияез боен басытэмын.

Орточем нуналэ асьме войскоосмы противниклэсь 22 оборонительной укрепленной пункт'ёссэ, соос пöлын кык железобетонной артиллерийской сооружениоссэ басытэмын.

Асьме войскоосын 7 нунал наступление нуыса, противниклэсь 420 пулемет'ёссэ но 170 орудибссэ басытэмын.

Фронтлэн мукет участок'ёс аз разведчик'ёслэн учтаськон'ёссы но куд-ог интыосын пехотной частьёслэн жугиськон'ёссы вал.

Противниклэн войскоосыз'я но военной об'ект'ёсыз'я асьме авиация активной боевой действоос нуиз. Воздушной бойёсын противниклэн 5 самолет'ёсыз уськытэмын.



В. Барковлэн но В. Лисевичлэн рисунксы.

Колхоз'ес куспын соцпомощь

Асьмелэн странаымы социалистической помощь самой бадзым амалэн лыд'яське. Котькуд колхоз'ёс, организациос но предприятиос ас кусказы одйг-огзылы юрттэт сётонэз уж вылын быдэс'яло.

Соцпомощьлэсь бадзым значениэз асьме районуысь но куд-огез колхоз'ёс валазы ни. Али тулыс ю кизён азелы дасяськоннын данакез колхоз'ёс одйг-огзылы юрттэт сётонэз паськыт вöлмыто. Кылсярысь, Солдырь колхоз Адам колхозлы 116 центнер ю кидыс пунэмен сөтйз. Чаново колхоз Ишошур колхоз-

лы 100 центнер ю кидыс сөтэ. Озы ик В-Богатырка колхоз—90 центнер но Сороково колхоз-50 центнер ю кидыс Коршуново колхозлы пунэмен сөто. Тани сыче амалэн куд-огез колхоз'ёс огмылкыдын одйг-огзылы юрттыса тулыс ю кизён азелы дасясько.

Таке умой пример'ёсты мукет'ёсаз но колхоз'ёсын организовать кароно, чтобы асьме районуысь вань колхоз'ёс тулыс ю кизён азелы умой но дыраз мед дасяськызы.

Болтачев.

В. И. Сизов

21 ар талэсь азыло В. И. Сизов эш «Красное знамя» орденэн наградить каремын вал. 89-ти стрелковой полкын красноармеецен луыса, Псков улын Булак—Балаховичлэн бандаеныз пумит тышкаськоннын Сизов эш отличиться карыськыз. Дасодйг мурт ас юлтош'ёсыныз противниклэн бадзым группаезлэсь удар принять каре, белогвардеец'ёслэн тылазы пырыса соослэсь батареязэс пазьге Собере Николаев красноармеецен батареяз асьме расположение вутто.

Сизов эш кема оз тоды ас награждениез сярсысь. Демобилизоваться карыськыса та гургаз бестэ. Алигес Сизов эш наградазэ басытыны Москвае öтемын вал. Али та Удмуртской АССР-лэн Ярослав

районын «Сизов» колхозлэн председателеныз ужа.



Социалистической промышленности всесоюзной перепись

17 февралэ социалистической промышленности всесоюзной перепись кутске Соенародно хозяйственной учелэн орган'ёсыз, районной, городской но участковой инспектор'ёс ортычтозы. Переписен кивалтон СССР лэн Госпланэзлэн ЦУНХУ-эзлы сөтэмын.

Перепись ортычтыське промышленной ужнын основной показател'ёс сярсысь данной-

ёсты басытон понна (ужасьёслэн лыдзы, уждун, основной фонд'ёслэн стоимосьсы, продукциялэн обемез но мукет'ёс).

Государственной, кооперативной но общественной организациослэн колхоз'ёслэн но совхоз'ёслэн, райисполком'ёслэн но горсовет'ёслэн вань промышленной предприятияосы переписать каремын луозы. (ТАСС)

Обязательствоосы быдэстоно

(Телефонан басытэмын)

Нюлэс дасян но поттон ласянь индивидуальной договор'ёсты быдэстон понна дыр одйг толэзь сяна оз кылыны. Соин ик кылем одйг толэзь, нюлэс дасян но поттон планэз быдэстонын решающеен луэ.

Понинской районуысь Адамской сельсоветысь тросэз колхоз'ёс лесопунктэн лэсьтэ договор'ёссэс быдэстонэз ас эрказ лэзизы. Нюлэс дасянэз второстепенной ужен лыд'яса, татысь кивалт'ёс кулсаклык оз вис'ялэ Тани Солдырь колхоз (председателез С. Н. Максимов) 3775 кубометр нюлэс дасян интые, 16 февраль азелы 506 кубометр сяна оз дася. Кельдыково колхоз (председателез В. Г. Сизов) лесопунктэн гөтэм договорез'я 2382 кубометр нюлэс дасяно вал, нош дасямын 515 кубометр гинэ, нюлэс поттонэз 1612 кубометр интые 89 кубометр сяна оз на потты. Озы ик Адам колхозлэн но (председателез Максимов М. М.) 1264 кубометр нюлэс поттонэз вань на.

Тйни ваньмыз вылы гөжтэм факт'ёс луэмын соин, что та колхоз'ёсысь председател'ёс малпаськытэк кивалто.

Тырмоз ини тазы кивалтыны, нюлэс уж борды мырмыр кутсконо. Вакчи дыр куспын нюлэс уж'я планэз тырмытыса вал'ёсты шутэтыны пуктоно, чтобы тулыс ю кизён азелы ваньмыз вал'ёс вылы тырлыкөөсь мез луозы.

Третьяков.

Трудовой дисциплинаез нарушать карисьёсын решительно нюръяськоно

СССР-лэн Совнаркомезлэн, ВКП(б) ЦК эзлэн но ВЦСПС-лэн трудовой дисциплинаез умоятон сярсысь постановлениызы куре, котькуд работник'ёс честно, добросовестно ужамзэ. Со зол ударить каре прогульщик'ёсты, летун'ёсты, подыр'ёсты, производстволэсь дезорганизатор'ёссэ.

Таке мудрой постановление потэм бере котькуд приятыин, учреждениын трудовой дисциплиналэн умояме: чокак шөдйськыз. Честной, добросовестной, сознательной работник'ёс эшшо умойгес ужаны кутскизы.

Нош вань на сыче мурт'ёс куд'ёсыз та постановлениез уг быдэс'яло. Тани, почталэн начальникез Тюленев занятиез дыр'я ужасьёссэ кудэмен ужаны допустить каре. Кылсярысь, талэн бухгалтерез Набоков 15 февралэ нуназе 3 часысен кудэменыз ужаны оз быгаты. Тюленев тае адзыса но, ноныче мера оз куты.

С.

Отв. редактор А. К. Дряхлов